



Poduzetnička zona Dusine br. 6, 76270 Orašje

ID broj: 4254130240000

PDV broj: 254130240000

Tel./fax: +387 31/717-168

e-mail: info@sintofarm-adriatica.com

www.sintofarm-adriatica.com

PRONTOCILL 300.000 I.J./ml

Suspenzija za injekcije za goveda, ovce, koze, svinje, pse i mačke

Za upotrebu u veterinarstvu

SASTAV u 1 ml:

- Aktivna supstanca: benzilpenicilin prokain 300.000 IJ
- Pomoćne supstance: dinatrijev edetat (E386), metil parahidroksibenzoat (E218), natrijum formaldehid sulfoksilat.

INDIKACIJE:

Za liječenje infekcija izazvanih mikroorganizmima osjetljivim na pencilin kod indiciranih životinja, posebno na Gram-pozitivne aerobne i anaerobne bakterije (*Actinomyces spp.*, *Arcanobacterium spp.*, *Clostridium spp.*, *Corynebacterium spp.*, *Erysipelothrix spp.*, *Listeria spp.*, *Nocardia spp.*, *Staphylococcus spp.*, *Streptococcus spp.*, *Vibrio spp.*) i Gram-negativne (*Actinobacillus spp.*, *Fusobacterium necrophorum*, *Haemophilus spp.*, *Mannheimia haemolytica*, *Neisseria spp.*, *Pasteurella spp.*, *Proteus spp.*, *Salmonella spp.*), rikecije, leptospira, spirohete, kao: Goveda: oboljenja respiratornih organa izazvana streptokokama i *Arcanobacterium pyogenes*, mastitisi izazvani streptokokama, bacilarni pijelonefritis, gasne gangrene, tetanus.

Svinje: bronhopneumonija izazvana pasterelama, leptospiroza, eksudativne epidemije, streptokokoza prasića.

Ovce i koze: gangrenozni mastitis, klostridioza.

Lijek koristiti uz prethodno urađeni antibiogram.

KONTRAINDIKACIJE:

Ne koristiti kod životinja kod kojih je utvrđena preosjetljivost na aktivnu supstancu i/ili uopće na jednu od pomoćnih supstanci. Ne koristiti u slučajevima dokazane slabosti bubrega. Kontraindicirana upotreba u uzgajalištima u kojima je zabilježena otpornost na peniciline. Ne davati: zečevima, zamorcima, hrčcima, činčilama i malim glodavcima uopšte.

Proizvod se ne smije koristiti tako gdje je potvrđeno prisustvo mikroorganizama koji proizvode beta laktamaze.

NEŽELJENA DEJSTVA:

Kod osjetljivih životinja se mogu pojaviti alergijske reakcije različitih manifestacija. U tom slučaju se moraju dati odgovarajući protuotrovi (adrenalin, kortizon, antihistaminici, joni kalcija).

U slučaju pojave ozbiljnih neželjenih reakcija ili nekih drugih neželjenih reakcija koje nisu naglašene na ovom uputstvu veterinar mora biti informiran i postupiti u skladu sa odredbama člana 26. Zakona o lijekovima koji se upotrebljavaju u veterinarstvu („Službene novine Federacije BiH“ br. 15/98 i 70/80).

CILJNE VRSTE ŽIVOTINJA:

Goveda, ovce, koze, svinje, psi i mačke.

DOZIRANJE I NAČIN PRIMJENE:

Prije upotrebe dobro promućkati.

Davati duboko intramuskularno ili pod kožu. Preporučena doza je 1ml/10kg tjelesne težine, svakih 24-48 sati, nastaviti do dana kompletnog prestanka kliničkih simptoma. Terapija traje od 5 do 7 dana. Ukoliko se ne postigne efekat izlječenja, terapija se mora prekinuti i ponovo napraviti antibiogram na ostale antimikrobike.

UPOZORENJE ZA ISPRAVNU PRIMJENU:

Proizvod koristiti uz prethodno urađeni antibiogram.

Ne davati više od 50 ml (15ml za prasad) na mjesto uboda injekcije.

Lijek može biti korišten tokom graviditeta i laktacije.

KARENCA:

Meso i iznutrice za goveda, ovce, koze, svinje: 20 dana

Mlijeko: lijek se ne upotrebljava kod životinja čije se mlijeko koristi u ishrani ljudi i životinja koje služe u ishrani ljudi (osobito podmladka).

POSEBNE MJERE I UPOZORENJA:

Ukoliko je moguće lijek treba biti korišten na bazi rezultata antibiograma, ukoliko to nije moguće terapija se mora zasnivati na lokalnim epidemiološkim informacijama (regionalnim ili onim na farmi). Upotreba proizvoda koja nije u skladu sa onim što je navedeno u uputstvu za upotrebu može dovesti do povećanja rezistentnih bakterija te umanjiti učinkovitost liječenja sa ostalim antibioticima zbog potencijalne unakrsne rezistencije.

Osobe kod kojih je uočena preosjetljivost na beta laktame i na bilo koji od dodataka moraju izbjegavati kontakt sa ovim veterinarskim lijekom. U slučaju nenamjernog kontakta treba ruke oprati vodom i obratiti se liječniku uz pokaz uputstva. U slučaju samoinjektiranja obratiti se liječniku uz pokaz ovog uputstva.

Nakon prvog otvaranja proizvod iskoristiti u roku od 28 dana.

Ne koristiti nakon isteka roka naznačenog na pakovanju.

INTERAKCIJA SA DRUGIM VETERINARSKIM LIJEKOVIMA:

Penicilini mogu pokazati pozitivnu interakciju sa aminoglikozidima i antagonizam sa tetraciklinima, sulfonamidima i makrolidima. Ne primjenjujte istodobno sa bakteriostatičkim antibioticima. Ne prevazilaziti preporučene doze.

OSTALE INFORMACIJE:

PRONTOCILL je rastvor za injekcije na bazi prokain benzilpenicilina, antibiotika koji pripada u grupu beta laktama. Benzilpenicilin inhibira stvaranje ćelijske membrane i djeluje kao baktericid.

Nakon parenteralne primjene prokain benzilpenicilin se polako apsorbira ($T_{max}=1-4h$), dostižući razinu u plazmi koja ostaje terapijski efikasna do 24h. Dobra je difuzija u tkivima i vanćelijskim tečnostima. Volumen raspodjele je 0.2-0.3 litra/kg i približno 40-

65% se veže za albumine krvne plazme. Eliminiše se u nepromijenjenom obliku uglavnom putem bubrega (60-90%) te u manjoj mjeri putem žuči i mlijeka.

POSEBNE MJERE ZA ODLAGANJE LIJEKA I NJEGOVOG OSTATKA:

Uklanjanje otpada nastalog upotrebom lijeka ili lijekova isteklog roka vrši se u skladu sa odredbama Zakona o upravljanju otpadom (Službene novine FBiH broj 33/03).

NAČIN IZDAVANJA:

Lijek ne podliježe izdavanju.

NAČIN PRIMJENE:

Lijek može primjenjivati samo doktor veterinarske medicine/diplomirani veterinar („*Ad manum veterinarii*“).

POSEBNE MJERE ZA ČUVANJE LIJEKA:

Čuvati na hladnom, prozračenom i mračnom prostoru, kao i van domašaja djece.

ROK UPOTREBE:

2 godine, a nakon otvaranja 28 dana.

PAKOVANJE:

Boca od 100 ml.

BROJ I DATUM ODOBRENJA: UP-I-06-2-20/21-527-1/25; od 09. septembra 2025. godine

PROIZVOĐAČ:

FATRO SPA, Via Emilia 285, 40064 Ozzano dell'Emilia (BO) Italy

DISTRIBUTER:

SINTOFARM ADRIATICA d.o.o. Orašje, Poduzetnička zona Dusine br. 6, 76270 Orašje, BiH

Tel./fax: +387/31-717-168

e-mail: info@sintofarm-adriatica.com

www.sintofarm-adriatica.com